



Broj: 01-50-2-326-34/2020
Sarajevo, 22.4.2020. godine

01-50-1-15-6/20			
Organizaciona jedinica	Klasifikaciona oznaka	Redni broj	Broj priloga
PRIMLJENO: 22.04.2020			
SARAJEVO			
PARLAMENTARNA SKUPŠTINA BOSNE I HERCEGOVINE			
BOSNA I HERCEGOVINA			

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
ZASTUPNIČKI DOM/PREDSTAVNIČKI DOM

N/r Dr. Denis Zvizdić, predsjedavajući

Predmet: Poslaničko pitanje, odgovor, *dostavlja se*

Veza: Vaš akt broj: 01-50-1-15-6/20 od 27.2.2020. godine

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 3.3.2020. godine zaprimilo Vaš dopis, broj i datum veze, koji se odnosi na zastupničko pitanje Saše Magazinovića, poslanika u Predstavničkom domu Parlamentarne skupštine Bosne i Hercegovine, kako slijedi:

"Da li su tužilaštva i ako nisu zašto nisu, podigla optužnice za izborne nepravilnosti 2018. godine?"

S tim u vezi, VSTV BiH je tužilaštvima u Bosni i Hercegovini prosljedilo navedeno poslaničko pitanje i zatražilo da blagovremeno dostave odgovore na isto. Nažalost, zbog novonastale situacije uzrokovane pandemijom Covid-19 virusa, te činjenice da pravosudne institucije, kao i većina institucija u državi, trenutno radi u ograničenim kapacitetima i postupa samo po hitnim pitanjima, neke od odgovora tužilaštava smo dobili sa zakašnjem, stoga Vam odgovor dostavljamo po isteku zakonom previđenog roka.

Prema podacima dostavljenim VSTV-u BiH, tužilaštva koja nisu imala predmete u vezi izbornih nepravilnosti u 2018. godini su Kantonalno tužilaštvo Posavskog kantona, Kantonalno tužilaštvo Kantona 10 Livno, Kantonalno tužilaštvo Zeničko-dobojskog kantona, Kantonalno tužilaštvo Srednjobosanskog kantona, Kantonalno tužilaštvo Zapadnohercegovačkog kantona, Okružno javno tužilaštvo u Istočnom Sarajevu, Kantonalno tužilaštvo Bosansko-podrinjskog kantona, Kantonalno tužilaštvo Hercegovačko-neretvanskog kantona, Kantonalno tužilaštvo Tuzlanskog kantona, te Republičko javno tužilaštvo Republike Srpske i Federalno tužilaštvo Federacije Bosne i Hercegovine, koje nema izvorne nadležnosti za procesuiranje krivičnih djela u vezi sa izbornim nepravilnostima propisanih krivičnim zakonodavstvom Bosne i Hercegovine.

Odgovori tužilaštava koja su registrirala predmete vezane za izborne nepravilnosti u 2018. godini su sljedeći:

Tužilaštvo Bosne i Hercegovine

U Tužilaštvu Bosne i Hercegovine, u periodu od 2018. godine zaključno sa 13.4.2020. godine, nije bilo podignutih optužnica za krivična djela iz članova 150-155a Krivičnog zakona Bosne i Hercegovine. U pomenutom periodu za navedena krivična djela zaprimljeno je ukupno osam prijava protiv dvadeset dva lica. Donesena je jedna naredba o nesprovođenju istrage protiv jednog lica te je jedna prijava protiv jednog lica riješena na drugi način.

Tužilaštvo Brčko distrikta Bosne i Hercegovine

Kada je riječ o mogućim izbornim nepravilnostima vezanim za provedene opšte izbore u Bosni i Hercegovini 2018. godine, ovo tužilaštvo je zaprimilo jednu krivičnu prijavu protiv nepoznatog počinioca zbog sumnje u počinjenje nekog od krivičnih djela protiv slobode i prava čovjeka i građanina propisanih iz glave XVII Krivičnog zakona Brčko distrikta Bosne i Hercegovine. Ova krivična prijava je ustupljena na nadležnost Tužilaštvu Bosne i Hercegovine, kao stvarno nadležnom organu u konkretnom slučaju. Tužilaštvo Bosne i Hercegovine je prihvatilo nadležnost za postupanje u ovom predmetu.

Okružno javno tužilaštvo u Doboju

Okružno javno tužilaštvo u Doboju evidentiralo je dva predmeta koja se odnose na izbore održane u 2018. godini. U jednom od navedenih predmeta je u toku istraga protiv NN lica zbog krivičnog djela falsifikovanje isprave iz člana 347. stav 1. Krivičnog zakonika Republike Srpske (u daljem tekstu KZRS), dok su u drugom predmetu sa oznakom KTA u toku provjere po dostavljenoj prijavi obzirom da se radi o neodređenom krivičnom djelu i neodređenom izvršiocu.

Okružno javno tužilaštvo u Banja Luci

Okružno javno tužilaštvo u Banja Luci je, nakon uvida u službene evidencije za 2018. i 2019. godinu, utvrdilo da je ovo tužilaštvo u 2018. godini imalo ukupno pet prijava za krivična djela iz glave XIX KZRS (krivična djela protiv izbornih prava) i to za krivično djelo iz člana 217. KZRS (povreda biračkog prava) – jednu prijavu; za krivično djelo iz člana 218. KZRS (povreda slobode opredjeljenja birača) – jednu prijavu; za krivično djelo iz člana 220. KZRS (podmićivanje pri izborima ili glasanju) – jednu prijavu i za krivično djelo iz člana 222. KZRS (izborna prevara) – dvije prijave. Od ovih pet prijava/predmeta tužilaštvo je do danas riješilo tri prijave/predmeta i to za krivična djela iz člana 217. i 218. KZRS je donesena Naredba o nesprovođenju istrage, dok je od dvije prijave/predmeta za krivično djelo iz člana 222. KZRS riješena jedna i to donošenjem Naredbe o nesprovođenju istrage. Ovo tužilaštvo danas u radu ima dva predmeta iz 2018. godine i to prijavu za krivično djelo iz člana 220. KZRS (podmićivanje pri izborima ili glasanju) i prijavu za krivično djelo iz člana 222. KZRS (izborna prevara).

U toku 2019. godine Okružno javno tužilaštvo u Banja Luci je zaprimilo ukupno tri prijave za krivična djela iz glave XIX KZRS (krivična djela protiv izbornih prava) i to za krivično djelo iz člana 217. KZRS (povreda biračkog prava) – jednu prijavu; za krivično djelo iz člana 218. KZRS (povreda slobode opredjeljenja birača) – jednu prijavu i za krivično djelo iz člana 222. KZRS (izborna prevara) – jednu prijavu. Do ovog momenta od navedena tri predmeta/prijave riješene su dvije i to za krivično djelo iz člana 218. KZRS i krivično djelo iz člana 222. KZRS donesena gdje je u oba predmeta donesena Naredba o nesprovođenju istrage. Ovo tužilaštvo danas ima neriješenu jednu prijavu/predmet iz 2019. godine i to za krivično djelo iz člana 217. KZRS (povreda biračkog prava).

Prema naprijed navedenom, Okružno javno tužilaštvo u Banja Luci je u toku 2018. i 2019. godine zaprimilo ukupno osam prijava i formiralo osam predmeta zbog nepravilnosti u toku biračkog procesa 2018. godine. Od tog broja pet predmeta je završeno donošenjem konačne tužilačke odluke dok su i dalje tri predmeta otvorena, odnosno nalaze se u radu.

Okružno javno tužilaštvo u Prijedoru

Okružno javno tužilaštvo u Prijedoru imalo je jedan predmet koji je 27.2.2019. godine ustupljen Tužilaštvu Bosne i Hercegovine na nadležno postupanje, a koji se odnosio na uskraćivanje biračkog prava.

Okružno javno tužilaštvo u Bijeljini

Okružno javno tužilaštvo u Bijeljini u toku 2018. godine zaprimilo je jednu krivičnu prijavu za krivično djelo protiv izbornih prava. Podignuta je optužnica protiv fizičkog lica, a u vezi člana 223. stav (1) KZRS,

koja je potvrđena 7.3.2019. godine. Osnovni sud u Zvorniku donio je osuđujuću presudu 4.2.2020. godine, kojom se navedeno fizičko lice kažnjava novčanom kaznom u iznosu od 500 KM.

Okružno javno tužilaštvo u Trebinju

Okružno javno tužilaštvo u Trebinju zaprimilo je jednu krivičnu prijavu protiv jednog lica zbog krivičnog djela zloupotreba biračkog prava iz člana 219. stav (1) KZRS. Postupajući po navedenoj prijavi donijeta je naredba o nesprovođenju istrage jer, iz prijave i pratećih spisa, očigledno je da prijavljeno djelo nije krivično djelo. Osim navedenog drugih krivičnih prijava u vezi krivičnih djela protiv izbornih prava u 2018. godini nije bilo.

Kantonalno tužilaštvo Unsko-sanskog kantona

Provjerama kroz upisnik u toku 2019. godine evidentirana je jedna krivična prijava iz glave XVII – Krivična djela protiv slobode i prava čovjeka i građanina, a vezano za izbore. Radi se o prijavi fizičkog lica koji je prijavio krivično djelo „Uništenje izbornih isprava“ iz člana 199. Krivičnog zakona Federacije Bosne i Hercegovine (u daljem tekstu: KZFBiH), a u sticaju sa krivičnim djelom „Zloupotreba položaja ili ovlaštenja“ iz člana 383. stav 1. KZFBiH. Konkretni predmet je u fazi provjere.

Kantonalno tužilaštvo Kantona Sarajevo

Provjerom kroz službene evidencije utvrđeno je da su u Kantonalnom tužilaštvu Kantona Sarajevo u toku 2018. godine evidentirana dva krivična predmeta koja se odnose na izborni postupak, i to krivični predmet formiran na osnovu Izvještaja o izvršenom krivičnom djelu MUP KS, Sektor kriminalističke policije, Odjeljenje za privredni kriminal, zbog krivičnog djela Povreda slobode odlučivanja birača iz člana 195. stav (1) KZFBiH. Predmet se nalazi u fazi istrage i u istom nije donesena tužilačka odluka. Drugi krivični predmet formiran je na osnovu krivične prijave fizičkog lica, podnesene zbog krivičnog djela povreda slobode odlučivanja birača iz člana 195. KZFBiH. U predmetnom spisu donesena je Naredba da se istraga neće provoditi jer ne postoje osnovi sumnje da je prijavljena osoba učinila krivično djelo. Na navedenu odluku da se istraga neće provoditi, uložena je pritužba, koja je odlukom Ureda glavne tužiteljice odbijena kao neosnovana.

Zahvaljujemo na razumijevanju zbog nemogućnosti dostavljanja odgovora u zakonom predviđenom roku.

S poštovanjem,

Dostaviti:

- naslovu
- a/a

